



07.Maj 2019

UPA2019/131

Nakorsat namminersortut nakorsiartarfimmik ingerlatsinissaminnut inatsisitigut allatigullu aporfisinnasartagaannik Naalackersuisut UKA2019-mut misissueqqullugit peqquneqarnissaannik Inatsisartut aalajangiiffissaattut siunnersuut. Misissuinermilu siunnersuutigineqassaaq aporfiusinnaasut qanoq aaqqinneqarsinnaasersut.

(Inatsisartunut ilaasortaq Aleqa Hammond, Nunatta Qitornai)

Inuiaqatigiisugut nakorsassaaleqeqaagut, atukkavut nakorsassaaleqinerup, peqqissaasussaaleqinerup, napparsimasunik isumaginnittoqarfikkut sulisussaaleqinerup annertuumik piffinni amerlaqisuni toqqissisimannngitsumik ernumanartumillu atugassaqartitsiffiunerata ilungersortippaatigut.

Inuiaqatigiit peqqissut anguniarneqarnissaanut tunngatillugu nammineerluta peqqikkumanitsinnut akisussaaffimmik angisuumik nammataqarpugut, sapinngisannuarput tamaat atorlugu peqqinnissaqarfimmik atuinnginnissarput aamma sulissutigisassangipput isumaqarpugut.

Nakorsiarniarnermi utaqqisarneq, suliaritinniarnermi utaqqisarneq, seeqqortaarniartut, siffiartaarniartut assigisaalu suliaritinniartut utaqqerujussuarterneri ulluinnarni inuunerup pitsaanerpaaffianiitissinnaanagu atugaqarneq inuppasuarnut killiliisarpoq. Taamaammat sapinngisaq tamaat atorlugu sukkaasuumik ikiugasuarsinnaasarneq nakorsamillu misissugarineqarasuarsinnaaneq pisariaqartittarparput.

Kingutit nakorsai namminersortut maani Nuummi pitsaasorujummik misilittagaqarfigaavut. Utaqqisut qaangerneqarsinnaapput, maani kigutilerisut suliarisannngisai namminersortut suliarisinnaavai, immikkut kissaataasut suliarineqarsinnaapput soorunami akiliilluni. Isumaqarpugut nammineq akiliisinnaasunut toqqagassaqarneq pitsaasuusoq allanut aamma utaqqisunut kinguarsaataanani allatut aaqqiisinnaaneq ammaffigineqarluni ilassilluarneqarsimasoq ajunngitsuusoq.

Siunnersuuteqartup misissueqqusissutaa tassalu nakorsat namminersortut aallartisarsinnaanerannut suliaqarsinnaanerannullu aporfiusinnaasunik misissuititsinissaq naalackersuisunit akissutigineqarpoq tamanna aporfissaqaranilu piumasut aallartiinnarsinnaasut. Tusagaq nuannaajallannarpoq aporfegannngitsoq aallartitsiinnartoqarsinnaasorlu taamaammat misissuititsinissaq pisariaqannngitsoq tamannalu misissuineq pisariaqarani.

Neriuutigalugu periarfissaq atorluarneqarumaassasoq siunnersuut ilalinngilarput, pisariaqarsorinannngimmat.